

中國方志叢書·華中地方·第七八三號

據

清·白潢等修，查慎行等纂
清康熙五十九年刊本

影印

江 西 省

西 江 志

(六)

成文出版社有限公司印行

西江志卷第一百二十三

藝文詩七

七言古

唐

滕王閣

王勃

滕王高閣臨江渚，珮玉鳴鸞罷歌舞。
畫棟朝飛南浦雲，珠簾暮捲西山雨。
閒雲潭影日悠悠，物換星移幾度秋。
閣中帝子今何在，檻外長江空自流。

寒食江州蒲塘驛

宋之問

去年上巳洛橋邊，今年寒食廬山曲。
遙憐鞦韆樹，花應滿復見吳洲草。
新綠吳洲春草蘭，杜芳感物思歸懷。
故鄉驛騎明朝宿，何處猿聲今夜斷。
君賜

送從弟遊江淮兼謁鄱陽劉太守

李頎

都門柳色朝朝新，念爾今為江上人。
穆陵關帶清風遠，彭蠡湖連芳草春。
泊舟借問西林寺，曉聽猿聲在山翠。
潯陽北望鴻雁回，湓水東流客心醉。
須知聖代舉賢良，不使遺才滯一方。
應見鄱陽虎符守，思歸共指白雲鄉。

廬山謠寄盧侍御虛舟

李白

我本楚狂人，鳳歌笑孔丘。
手持綠玉杖，朝別黃鶴樓。
五嶽尋仙不辭遠，一生好入名山遊。
廬山秀出南斗傍，屏風九疊雲錦張。
影落明湖青黛光，金闕前開二峯長。
銀河倒挂三石梁，香爐瀑布遙相望。
迴崖沓嶂凌蒼蒼，翠影紅霞映朝日。
鳥飛不到吳天長，登高壯觀天地間。
大江茫茫去不還，黃雲萬里動風色。
白波九道流雪山，好為廬山謠。
興因廬山發，閒窺石鏡清我心。
謝公行處蒼苔沒，早服還丹無世情。
琴心三疊道初成，遙見仙人彩雲裏。
手把芙蓉朝玉京，先期汗漫九垓上。
願接盧遨遊太清。

鏡清我心謝公行處蒼苔沒，早服還丹無世情。
琴心三疊道初成，遙見仙人彩雲裏。
手把芙蓉朝玉京，先期汗漫九垓上。
願接盧遨遊太清。

信州錄事參軍常曾古鼎歌

韋應物

三年糾一郡，獨飲寒泉井。
江南鑄器多鑄銀，罷官無物唯古鼎。
鼎雕螭刻篆，相錯盤地中。
歲久青苔寒左對，蒼山右流水云有古來葛仙子。
葛仙埋之何不還耕者，鎗然得其間。
持示世人不知寶，勸君鍊丹永壽考。

送王侍御赴江西兼寄李袁州

韓翃

中朝理章服，南國隨旌旆。
臘酒湘城隅，春衣楚江外。
垂簾白角簾，下筇鱸魚膾。
雄筆佐名公，虛舟應時輩。
按俗承流幾路清，平明山靄春江雲。
湓城詩贈魚司馬，汝水人逢王右軍。
綠蘋白芷遙相引，孤興幽尋知不近。
井上銅人行見無，湖中石燕飛應盡。
禮門前直事仙郎，腰垂青綬領咸陽。
花間五馬迎君日，雨霽煙開玉女岡。

洪州客舍寄柳博士芳

薛業

去年燕巢主人屋，今年花發路傍枝。
年年爲客不到舍，舊國存亡那得知。
黃塵一起天下亂，何處春風無別離。

廬山瀑布歌送李頎

顧況

飄白霓，挂丹梯，應從織女機邊落。
不遣潯陽潮向西，火雷劈山珠噴日。
五老峰前九江溢，九江悠悠萬古情。
古人行盡今人行，老人也欲上山去。
上箇深山無姓名。

同裴觀察東湖望山歌

浴鮮積翠栖靈異，石洞花宮橫半空。
夜光潭上明星落，春風雨

壇邊樹如洗水淹徐孺宅恒乾繩墜洪崖井無底主人載酒東湖陰遙望西山三四岑

琵琶行 并序

白居易

元和十年余左遷九江郡司馬明年秋送客湓浦口聞舟中夜彈琵琶者聽其音錚錚然有京都聲問其人本長安倡女嘗學琵琶於穆曹二善才年長色衰委身為賈人婦遂命酒使快彈數曲曲罷憫默自敘少小時歡樂事今漂淪憔悴轉徙於江湖間余出官二年恬然自安感斯人言是夕始覺有遷謫意因爲長句歌以贈之凡六百一十二言命曰琵琶行

浔陽江頭夜送客楓葉荻花秋瑟瑟主人下馬客在船舉酒欲飲無管絃醉不成歡慘將別別時茫茫江浸月忽聞水上琵琶聲主人忘歸客不發尋聲聞問彈者誰琵琶聲停欲語遲移船相近邀相見添酒回燈重開宴千呼萬喚始出來猶抱琵琶半遮面轉軸撥絃三兩聲未成曲調先有情絃絃掩抑聲聲思似訴平生不得志低眉信手續續彈說盡心中無限事輕攏慢撚抹復挑初爲霓裳後六么大絃嘈嘈如急雨小絃切切如私語嘈嘈切切錯雜彈大珠小珠落玉盤間關鶯語花底滑幽咽泉流水下灘水泉冷澀絃疑絕疑絕不通聲暫歇別有幽愁暗恨生此時無聲勝有聲銀瓶乍破水漿迸鐵騎突出刀鎗鳴曲終收撥當心畫四絃一聲如裂帛東船西舫悄無言唯見江心秋月白沈吟放撥插絃中整頓衣裳起斂容自言本是京城女家在蝦蟆陵下住十三學得琵琶成名屬教坊第一部曲罷長教善才服妝成每被秋娘妬

琵琶行 白居易

三

五陵少年爭纏頭一曲紅綃不知數鈿頭銀篦擊節碎血色羅裙翻酒汙今年歡笑復明年秋月春風等閒度弟走從軍阿姨死暮去朝來顏色故門前冷落鞍馬稀老大嫁作商人婦商人重利輕別離前月浮梁買茶去去來江口守空船遠船明月江水寒夜深忽夢少年事夢啼妝淚紅闌干我聞琵琶已歎息又聞此語重唧唧同是天涯淪落人相逢何必曾相識我從去年辭帝京謫居臥病潯陽城潯陽地僻無音樂終歲不聞絲竹聲住近湓江地低濕黃蘆苦竹遶宅生其間旦暮聞何物杜鵑啼血猿哀鳴春江花朝秋月夜往往取酒還獨傾豈無山歌與村笛嘔啞嘲哢難爲聽今夜聞君琵琶語如聽仙樂耳暫明莫辭更坐彈一曲爲君翻作琵琶行感我此言良久立却坐促絃絃轉急淒淒不似向前聲滿坐重

琵琶行 白居易

四

皆掩泣座中泣下誰最多江州司馬青衫濕

三謠 并序

余廬山草堂中有朱藤杖一蟠木几一素屏風二時多杖藤而行隱几而坐掩屏而臥宴息之暇筆硯在前偶爲三謠各道其意亦猶座右陋室銘之類爾

蟠木謠

蟠木蟠木有似我身不中乎器無用於人下擁腫而上轉茵桷不桷兮輪不輪天子建明堂兮旣非梁棟諸侯斲大輅兮材又不中唯我病夫或有所用爾爲几承吾臂支吾頤而已矣不傷爾性不枉爾理爾無怏怏爲几之外無所用爾爾旣不材吾亦不材切爲乎人間徘徊蟠木蟠木吾與汝歸草堂去來

素屏謠

素屏素屏胡爲乎不文不飾不丹不青當世豈無李陽冰之篆字張旭之筆迹邊鸞之花鳥張藻之松石吾不令加一點一畫於其上欲爾保真而全白吾於香爐峰下置草堂二屏倚在東西牆夜如明月入我室曉如白雲圍我牀我心久養浩然氣亦欲與爾表裏相輝光爾不見當今甲第與王宮織成步障錦屏風綴珠陷鈿貼雲母五金七寶相玲瓏貴豪待此方悅目晏然寢臥乎其中素屏素屏物各有所宜用各有所施爾今木爲骨兮紙爲面捨吾草堂欲何之

朱藤謠

朱藤朱藤溫如紅玉直如朱繩自我得爾以爲杖大有裨於股肱前年左遷東南萬里交遊別我於國門親友送我於涯

五

未登高山兮車倒輪摧渡漢水兮馬疽蹄開中途不進部曲多迴唯此朱藤實隨我來瘴癘之鄉無人之地扶衛衰病驅呵魑魅吾獨一身賴爾爲二或水或陸自北徂南泥黏雪滑足力不堪吾本兩足得爾爲三紫霄峰頭黃石巖下松門石磴不通輿馬吾與爾披雲撥水環山繞野二年踟躕盧間未嘗一步而相捨雖有佳子弟良友朋扶危助蹇不如朱藤嗟乎窮既若是通復何如吾不以常杖待爾爾勿以常人望吾朱藤朱藤吾雖青雲之上黃泥之下誓不棄爾於斯須

喜弟淑再至爲長歌

李渤

前年別時秋九月白露爲霜金吹烈離鴻一別影初分淚袖雙揮心哽咽別來幾度得音書南岳知廬山峨嵋倚天碧排空斷崖千萬尺社榜長題高士名食堂每記雲山

跡我本開雲此山住偶爲名利相縈誤自負心機四十年羞聞社容山中篇憂時魂夢憶歸路覺來疑在林中眠昨日亭前烏鵲喜果得今朝爾來此吾吟行路五十篇說盡江南數

千里自憐兄弟今五人共縈儒素家尚貧雖然廩餼各不一就中總免拘常倫長兄年少曾落托拔劍沙場隨衛霍口裏雖譚周孔文懷中不舍孫吳畧次兄一生能苦節夏聚流螢冬映雪非論疾惡志如霜更覺臨泉心似鐵第三之兄更奇異昂昂獨負青雲志下看金玉不如泥肯道王侯身可貴却愁清逸不干時高蹤大器無人知倘逢感激許然諾必能萬古留清規念爾年來方二十夙夜孜孜能獨立卷中筆落星漢搖洞裏丹靈鬼神泣嗟余流浪心最狂十年學劍逢時康心中不解事拘束世間談笑多相妨廣海青山殊未足逢著

六

高樓還醉宿朝走安公檣上駒暮採陶令籬邊菊近來詩思殊無况苦被時流不相放雲騰浪走勢未衰鶴膝蜂腰豈能障送爾爲文殊不識貴從一一傳曾臆若到湖南見紫霄會須待我同攀陟

臨川逢陳百年

李咸用

麻姑山下逢眞士元膚碧眼方瞳子自言混沌鑿不死大笑老彭非久視強爭龍虎是狂人不保元和虛扣齒桃花雨過春光膩勸我一杯靈液味教我無爲禮樂拘利路名場多忌諱不如含德反嬰兒金玉滿堂眞可貴

遠公亭牡丹

雁門禪客吟春亭牡丹獨逞花中英雙成膩臉偎雲屏百般姿態因風生延年不敢歌傾城朝雲暮雨愁娉婷蕊繁蟻脚

黏不行甜迷蜂醉飛無聲廬山根脚含精靈發妍吐秀叢君
庭湓江太守多閒情蘭朱繞絳留輕盈潺潺綠醴當風傾平
頭奴子啾銀笙紅葩豔豔交童星左文右武憐君榮白銅鞮
上慙清明

儲潭廟

裴諤

江水上源急如箭潭北轉急令目眩中間十里澄漫漫龍蛇
若見若不見老農老圃望天語儲潭之神可致雨質明齋服
躬往奠牢醴豐潔精誠舉女巫紛紛堂下儻色似授今意似
與雲在山今風在林風雲勿起潭更深氣靈祠宇連江陰朝
日不復照翠岑迴溪口兮懼清流好風帶雨送到州吏人兩
立喜再拜神兮靈兮如獻酬城上樓兮危架空登四望兮暗
濛濛不知路兮千萬里惠澤願兮與之同我有言兮報匪徐

宋一百二十三 藝文

十

車騎復往禮如初高垣墉兮大其門灑埽丹雘壯神居使過
廟者加之敬酒食貨財而有餘神兮靈神兮靈匪享慢享克
誠

靈棲巖

張諤

截截業業如山簇磊磊落落石如屋上有綠樹之陰陰下有
寒溜之泠泠通天有竇十餘丈遊子捫蘿來復往是中端合
巢神仙桃花流水何杳然我來正值春風暮似笑賢勞又還
去準擬醺酒聊從容對此坐想飛來峯

書匡山老僧庵

釋貫休

質簪紅實好鳥語銀髯瘦僧貌如祖香煙濛濛衣上聚冥心
縹緲入鐵圍白磨作夢枕藤屨東峰山媪貢瓜乳

宋

題汪狀元應辰澗底松

宋高宗

有松百尺大十圍生在澗底寒且卑澗深山險人路絕至死
不逢工度之天子明堂欠梁木此求彼有良不知誰喻蒼蒼
造物意但與之材不與地金張世祿原憲貧牛衣寒賤貂蟬
貴貂蟬與牛衣高者未必賢下者未必愚爾不見沈沈海底
生珊瑚歷歷天上種白榆

入贛門曉角有作

趙抃

江南歷盡佳山水獨贛潺潺三百里移舟夜泊皇恐灘畫角
烏鳥曉風起棲鷗宿鷺四散飛夢魂驚入漁樵耳三通迤邐
東方明又是篙工過行矣橫波利石千萬層板繩縛頸如山
登艤途終致險且升自顧忠信平生憑

將至太和寄蔡仲偃太博

宋

宋一百二十三 藝文

八

我憶去年仲冬月夜醉離尊曉船發蓼蓼畫鼓上窮江章貢
川源接南粵虔州之民十萬家下車公事亂如麻去除煩苛
養疲瘵未幾訟簡俗亦嘉農事屢發稻梁積獄犴空虛寇乘
息遠陬安堵幸實天闕然自慨予何力邇來被旨還神京乘
秋擊櫂煙波行已猶入境奚所喜故人樂土絃歌聲

廬山高贈同年劉中允歸南康

歐陽修

廬山高哉幾千仞今根盤幾百里截然屹立乎長江長江西
來走其下是為揚瀾左里今洪濤巨浪日夕相春撞雲消風
止水鏡淨泊舟登岸而遠望今上摩青蒼以瞻靄下壓后土
之鴻龐試往造乎其間今攀緣石磴窺空豁千巖萬壑響松
檜懸崖巨石飛流淙水聲聒聒亂人耳六月飛雪灑石砭仙
翁釋子亦往往而逢今吾嘗惡其學幻而言詭但見丹霞翠

壁遠近映樓閣晨鐘暮鼓杳靄羅幃幽花野草不知其名
今風吹露濕香澗谷時有白鶴飛來雙幽尋遠去不可極便
欲絕世遺紛廐羨君買田築室老其下插秧盈疇今釀酒盈
缸欲令浮嵐暖翠千萬狀坐臥常對乎軒窗君懷磊砢有至
寶世俗不辨珉與玕策名爲吏二十載青衫白首困一邦龍
榮聲利不可以苟屈今自非青雲白石有深趣其氣兀硜何
由降丈夫壯節似君少嗟我欲說安得巨筆如長杠

雙井茶

西江水清江石老石上生茶如鳳爪窮臘不寒春氣早雙井
芽生先百草白毛囊以紅碧紗十斤茶養一兩芽長安富貴
五侯家一啜猶須三日誇寶雲日注非不精爭新棄舊世人
情豈知君子有常德至寶不隨時變易君不見建溪龍鳳團

不改舊時香味色

題袁州東湖盧肇石

祖無擇

袁山之陽秀水側草覆遺基誰氏宅皆云子發其姓盧往以
文章名藉藉宅中舊物何所存惟有嶙峋一巨石闊纔三尺
高倍尋久臥塵沙羣瓦礫余心好異因獨往下馬環觀聊拂
拭地表可見十二三已足怪駭動魂魄呼工運插塹其旁挽
以長絙百夫力謹然鼓譟登大車恍爾如蒙巨靈劈選置東
湖最佳處四面澄波映天碧倚空突兀無與隣頓覺亭臺增
氣色彎環幽竇莫敢探恐有垂龍飛霹靂余嘗南遊到陽朔
衆峰轟轟春筍植捫蘿踏躡窮之遍若此奇峰曾未識郡人
奔走來如雲故老驚視復唧唧乃言此石遇真賞屈指於今
年二百沈埋曠代誰爾珍一日光價逾荆璧嗟余束駸大夫

後區區志尚惟孤直十年再謫非不窮猶慕堅純無改易如
何故老不我愚感物再三形嘆息石不能言人有言勿使他
時重堙阨

胡公疎示擇之盧石詩因和之

梅堯臣

袁州太守蓬山客來過盧家尋怪石盧家百物今已空唯石
難移留舊蹟埋沒尚存三四分雨淋日炙如皴皴太守惻然
呼健兒荷鋤秉插爭來役健兒掘土不爲堅旋旋剝沙見圭
隙漸奇漸異人忘勞更索更深知幾尺高峰削出萬華骨虛
竅鑿破蛟螭額千指曳繩車四輪擊鼓助力歸東陌東陌東
頭河水傍黃沙洗盡何蒼碧故宅愈冷東湖喧貴賤競觀無
礙隔太守自憐堅直心愛少憎多屢遭謫南至蒼梧及桂林
名山徧訪無窮僻所宜厭慣不入眼向此孤吟尤愛惜我思
永叔滁陽時大誇古翠菱溪獲作詩遠寄子與蘇高唱相隨
無節拍今知賢人趣向同玩好託情無俗格建康從事胡公
疎一見詫君如李白雄才落筆瀉天河綴韻孤清仍險窄入
探虎穴誰爲難辭通造化方能敵殿後吾雖膽力強獨鞭疲
馬終無益

送張太博通判袁州

君非身尤謫南州南方尚鬼其俗媮龍蛇爲鄰虎爲陬丹茅
苦竹深幽幽邑人祠鬼拜古樹竹杯一仰來烹牛牛死蠶懷
常不幸誰得禁止專鉏鉤借曰未信君且往民將語怪君聽
不仰山頭六行舟

送杜挺之郎中知虔州

大庾嶺邊無臘雪惟有梅花與明月月光如水來向人太守

得閒杯耳熱吹香入酒望梁宋正是苦寒縣可拆亦當念君
君行南南方無冰地不裂此身不到五侯門肥羔釀酒槐槽
咽玉色少年生頰春解笑吟腸冷如鐵衝風冒霰入廣文老
與諸生開反切重嗟君遠隔江湖雖得豐甘牙已缺官娥執
樂一千指修頸慢肥衣錯纈定逢賓客憑排妮舞徹六么紅
袖掣人競羨君君愈疲夜歸坐閤思予說

寄題沈比部江州齊雲樓

遠目不高不可極朱樓要與浮雲齊江流萬古平決莽山雨
一過寒淒迷賈客橋下望吹笛漁郎浦前看斷霓吹飛射蛟
水花伏高士種柳煙條低羣雁有時至自北洪潮到此不更
西君家隱侯有八詠風雅未盡留人題

送方進士遊廬山

長風吹浪屋許大羅剎石齒水下排歷此二險過湓浦始見

士

瀑布懸蒼崖繫舟上岸入松徑三日踏穿新蠟屨路盤深谷
出嶺望後山日照前山靈偶逢風雨恐衣濕側倚石脅人相
乖雨收不覺在高處却見僮僕提攜偕水聲不絕鳥聲好藥
草香氣侵入懷老僧避地去足跣野客就澗開門闌樹巖隱
映見寺剎層層杳杳躋雲階塢田將穫鳥雀橫秋果正熟猴
後缺東林澹齋應似舊唯此足以待爾儕子心灑落撒然往
我方塵垢難磨揩

得餘干李尉書錄示唐八千越亭詩因以寄題

餘水之千越之鄙築基相對琵琶尾琵琶日日動秋聲雁過
洞庭風入葦南斗夏湖波不起長刀剡峰碧耳耳姱娥夜出
往寒溪青銅瑩磨光幾里朝因吳客幅蒲輕滿紙如蠶書可

喜

送裴虞部知信州

攢青歷歷正面山刺史日坐雲屏間楚人竟握水精璞漢女
買作月珮環時惟產寶不重穀願當化俗無棄管往辭丞相
相有言物景清絕何由攀

送施屯田提點銅場兼相度嶺外鹽入虔吉

江西采銅山未竭南越熬海波海將結土人貪利不畏刑白日
持兵逾盜竊銅私鑄器鹽奪商死共吏爭蛇關穴姦豪乘勢
倚蠻販劫掠聚徒成蟻垤今雖驅窮嶺下平尚恐根存更生
孽因擇健才通便民付職與權將有設秋香亭上共為賓却
作主人殊少悅徂東走北十五年只有山川看不別

逸老亭

蘇舜欽

修水崩騰落雲端傾入羣山自縈轉山迴水抱三百里邑號

主

西安俯十澗四時夾澗花濛濛數步行人不相見但聞千軍
萬馬橫陣來石激驚湍自相濺忽然瀾漫為平川遠近人家
壓深淺其間有亭號逸老山水之間為勝選黃氏有子樂其
親締葺之勤由富贍蓋憂高年厭家事竭力營此欲自遣親
意雖知風物佳豈若有子常在眼君胡飄飄事遠遊手龜面
鰲兩足趺故鄉不到已逾年又非踟躕牽士官何如輕舟早
還家日對雲山奉遊燕

甘露亭詩

李觀

乾坤父母莫莫慈胚胎億兆成角羈其間哺乳不及處有時
泣殺呱呱兒南州上游號沃野景祐丙子嘗凶饑新田始苗
舊穀罄十室八九無晨炊伏陰何者不仁甚釀作水災求助

之煙煤刷天雨汁黑嘔山泄谷爭奔馳橫流一夜打城郭萬
弩竊發穿毛皮東隅有洲尸揖揖如蟻欲走遭水圍屋根無
力樹腰折蛟蜃食人猶擇肥濤波一望萬山阻六親不得相
扶持國子劉公好仁者惟時假守茲軍麾民生在我不在命
造舟往救無敢違童兒赤立婦女困載之刺木何粟累泥沙
外冷內飢渴口噤不語如狂癡牽攀坐臥滿府舍試以酒飲
加饘糜隨流往往亦不死遠在百里無人知捐金購得問氏
姓召使親族攜之歸司農倉廩盡發出待奏報先施為有
餘况可補不足大賈蓄家如響隨來瞻去察夜繼晷亦熱不
忍蔭華懷由斯一郡十萬戶餓膚日月生膏脂存者相保沒
者葬唐虞仁壽重毆躋聖主養賢賢養物氣和郁郁通高卑
城西老宮古松徑一朝墜露甘如飴千柯萬葉結不解玉階

東坡志林

卷一百二十三 藝文

七

瓊樹光難離吐俗奔走競觀親手攀口吮同齋咨學老之人
周氏子好善不類黃冠師欲令事迹緬久遠築亭其地高巍
巍公之歸朝不可借松樹至今猶未衰我作此詩揭亭上他
年墮淚如羊碑

與潘道士

劉敞

上清宮中老道士曾從先王去封祀山頭候夜窺火輪汾上
拈鈎出金耳雲成龍虎當騰擊翠旌前導清泥沙萬靈扶駕
爲神護雜沓仙侶堆紅霞黃衣羽客千有餘多能引說軒轅
初漢廷儒生議迂闊天子自用申公書金簡玉策埋石壤神
光夜見連空虛天心報貺宸意喜白茅玉印旌其徒惟皇賜
席接虎幄待之如賓盡誠慤中書祕術使之觀神動精搖易
飛擢鼎湖龍去何超越日月茫茫自淹忽龍駟墮地秋草生

人世霜華滿頭髮

大孤山詩

黃庶

彭蠡百里南國襟萬頃蒼煙插孤岑不知天星何時落春秋
不書不可尋石怪木老鬼所附茲乃與水同浮沈鳴鳴大藤
樹下廟祭血不乾年世深舳舻千里不敢越割牲醴酒來獻
斟我行不忍隨人後許國肝膽神所歆落帆夜宿白鳥岸睥
睨百遠寒藤陰銀山大浪獨夫險比干一片崔嵬心宦游遠
去父母國心病若有山水淫江南畫工今誰在拂拭東絹傾
千金

贈曾子固

王安石

曾子文章衆無有水之江漢星之斗挾才乘氣不媚衆羣兒
謗傷均一口吾語羣兒勿謗傷豈有曾子終皇皇借令不幸

東坡志林

卷一百二十三 藝文

古

賤且死後日猶爲班與楊

送程公闢守洪州

畫船插幟搖秋光鳴鑼傳鼓水洋洋豫章太守吳郡郎行指
斗牛先過鄉鄉人出郭航酒漿魚鼈鱸魚炊稻梁茨頭肥大
菱腰長醕醑喧呼坐滿牀怪君三年滯瞿塘又驅傳馬登大
行纓旄脫盡歸大梁翻然出走天南疆九江左投貢與章揚
瀾吹漂浩無旁老蛟戲水風助狂盤渦忽圻千丈強君聞此
語悲慨慷慨迎吏乃前持一觴鄱州歷選多雋良鎮撫時有諸
侯王拂天高閣朱鳥翔西山蟠繞鱗鬣蒼蒼下視城塹真金湯
雄樓傑屋鬱相望中戶尚有千金藏漂田種稻出穰穰沈檀
珠犀雜萬商大舟如山起牙樯輸瀉交廣流荆揚輕裾利屣
列名倡春風蹋謠能斷腸平湖灣塢煙渺茫樹石珍怪花草

香幽處往往聞笙簧地靈人秀古所臧勝兵可使酒可嘗十
州將吏隨低昂談笑指麾回雨暘非君才高力方剛豈能跨
有此一方無爲聽客欲霑裳使君謝吏趣治裝我行樂矣未
渠央

彭彭賦

茫茫彭蠡春無地白浪春風溼天際東西挾柁萬舟回千歲
老蛟時出戲少年輕事鎮南來水怒如山帆正開中流蜿蜒
見春尾觀者膽墮予方咤衣冠今日龍山路廟下沽酒山前
住老矣安能學飲飛買田欲棄江湖去

贈彭器資

鄱水滔天竟東注氣澤所鍾賢可慕文章浩渺足波瀾行義
迢迢有歸處中江秋浸兩崖間遡洄與我相往還我挹其清

彭江志

卷一百二十三 藝文

主

久未竭復得縱觀於波瀾放言深入妙雲海示我僊聖本所
寰楞伽我亦見髣髴歲晚所悲行路難

遊麻姑山

曾鞏

軍南古原行數里忽見峻嶺橫千尋誰開一徑破蒼翠對植
松柏何森森危根自迸古崖出老色不畏莓苔侵修竹整整
嚴朝士下陰石齒明如金遂登半嶺望城郭但見積靄縈江
潯岡陵稍轉露樓閣沙莽忽盡橫園林秋光已過花草歇寒
氣况乘崑崙谷深我馳輕輿豈知倦倏忽遂覺窮欽峯龍門誰
來此中鑿玉簡不記何年沈泉聲可聽真衆籟泉意欲寫無
瑤琴斗迴地勢平如削攏極百頃黃差參洞開三門兩出路
却立兩殿當崖陰深廊千步抵崑崙腹桀木萬本摩天心碑文
磊崑崙氣不俗筆畫縹緲工非今世傳仙人家此地天風冷冷

吹我襟今人豈解不老術可怪綠髮常盈簪根源分明我能
說一室傾倒輸琅琳相高旣不擁耒耜方壯又不持戈鐔我
丁軾軻豈暇議直喜虛曠開煩襟清謠出口若先構白酒到
手無停斟山人執袂與我語留我饋我山中禽玲瓏當窗急
雨灑窈窕隔溪孤笛吟未昏已移就明燭病骨夜宿添重衾
神醒氣王目無睡到曉獨愛流泉音起來身去接塵事片心
未省忘登臨

丹霞洞

麻姑石壇起雲霧常意已極高峰巔豈知造化有神處別聳
翠嶺參青天峯松桀柏枝崑崙中畫一道如流泉林風颼颼
滿丘壑山鳥嘲晰凌飛煙山腰古亭豁可望下見秋色清無
邊忽驚陰崖勢迴合中抱幽谷何平園初誰鑿險構棲觀更
使透舍開芝田令人到此毛骨醒欲拚老筆丹青傳羌夷干
戈今未解天地瘡痍誰能痊大厦棟梁置沙莽肯復顧盼桷
與椽吾徒於時直何用欲往未得心茫然

發松門寄介甫

南風夜發吹孤舟起視北極星辰稠曉開征帆破浪挾以
兩艣當中流松門東面見廬阜其上少日煙氣浮舟人指我
極四望黑處無底蛟龍湫櫓溪左蠡信浩蕩雨涖若粒分岡
丘落星困困孰可狀清漢夜獨垂牽牛故人會期此同載捨
權直抵雲山遊念今五載負期語心獨動蕩風中旂况聞肥
遯須在山早時事力胡能謀所嗟親老食未足安得一畝操
鋤耰此言此笑吾自取非子世孰吾相投今諧與子脫然去
亦有文字歌唐周

送程公開使江西

程侯昔使西山下金印出懷光滿把坐馳雷電破姦伏力送
春陽煦鰥寡袴襦優足徧里巷禾黍豐穰馨郊野訟庭終日
自虛曠德宇平生本蕭灑龍淵決水漲清治烏背桂林開廣
厦蒼顏擁檻四山出翠色橫欄大江瀉掌平百里露州郭矮
密千蔓銜屋瓦雲裘數曲秀蘭蕙鳳蓋相摩擢梧榭客來尚
喜井投轄主禮寧論燭飛炮三吳月出照金戟百越風來吹
玉墀羽釵絕豔舞回雪寶劍諸儒談炙輠一尊放意受天籟
萬累回頭真土苴我思飛步綴登躡又欲生綃乞圖寫身縻
東觀願雖阻目注章門心豈捨過臨有幸破氛霧奮厲方欣
入陶冶齋航又自日邊去信節初從天上假舊邦往靖寄揮
塵新穀來輸付流馬遙知素譽在民口已有歡聲騰里社却
尋泉石引幽士想憶沙塵笑勞者何當一解豫章榻強賦土
風令中雅

卷一百二十三 藝文

七

移守江西先寄潘延之節推

憶昔江西別子時我初折腰五斗粟南北相望十八年俯仰
飛光如轉燭子遺萬事遂恬曠我繫一官尚局促早衰膽氣
自然薄多病顛毛那更綠人情畦畛阻肝鬲世路風波悸心
目每嗟太守雨朱輪寧及田家一黃犢幸逢懷綬入斗牛喜
得披山收寶玉薄材頑鈍待磨琢舊學搶攘期反覆雲鴻可
近眼先明野鹿尚縻顏自忖長鬚幸未阻誨存下榻應容拜
臨辱

麻姑山送南城尉羅君

麻姑之路摩青天蒼苔白石松風寒峭壁直上無攀援懸磴

十步九屈盤上有錦繡百頃之平田山中道人耕紫煙又有
白玉萬仞之飛泉噴崖直瀉蛟龍淵豐堂廣殿何言言階脚
插入斗牛間樛枝古木不記年空槎枵然臥道邊幽花自嬋
娟林深爲誰妍但見塵消境靜翔白鶴吟清猿雛禽乳鹿往
往嗥荒巔却視來徑如綠絙千重萬疊窮巖巒下有荆吳粟
粒之羣山又有甌閩一髮之平川奕棋縱衡遠近布城郭魚
鱗參差高下分同原千奇萬異可意得墨筆盡秃誰能傳丈
夫舒卷要宏達世路俯仰多拘牽偶來到此醒心目便欲洗
耳辭囂喧羅夫子一日遠補東南官愛此層崖峻壑之秀發
開軒把酒可縱觀喜此披霄插漢之翼起出門舉足得往還
羅夫子一尉龍蛇方屈蟠此邦人人衣食足闔境年年枹鼓
閒几案剗裁得休暇山水登躡遺紛煩我行送之思故園引
領有望心長懸

卷一百二十三 藝文

八

將至筠先寄遲适遠三猶子

蘇軾

露宿風餐六百里明朝飲馬南江水未見豐盈犀角兒先逢
玉雪王郎子對牀欲作連夜語念汝還須戴星起夜來夢見
小於菟猶是髭髯垂兩耳憶過濟南春未動三子出迎殘雪
裏我時移守古河東酒肉淋漓渾渾舍喜而今憔悴一羸馬逆
旅擔夫相汝爾出城見我定驚嗟身健窮愁不須恥我爲乃
翁留十日掣電一歡何足恃惟當火急作新詩一醉兩翁勝
酒美

自興國往筠宿石田驛南廿五里野人舍

谿上青山三百疊快馬輕衫來一抹倚山修竹有人家橫道
清泉知我渴芒屨竹杖自輕軟蒲薦松牀亦香滑夜深風露

滿中庭惟有孤螢自開闔

江西一首

江西山水真吾邦白沙翠竹石底江舟行十里磨九龍篙聲
犖确相舂撞醉臥欲醒聞淙淙直欲一口吸老龐何人得偶
窺魚缸舉義絕叫尺鯉雙

秧馬歌并序

過廬陵見宣德郎致仕曾君安止出所作禾譜文既溫雅
事亦詳實惜其有所缺不譜農器也余昔遊武昌見農夫
皆騎秧馬以榆棗爲腹欲其滑以楸桐爲背欲其輕腹如
小舟昂其首尾背如覆瓦以便兩髀雀躍於泥中繫束橐
其首以縛秧日行千畦較之偃僂而作者勞佚相絕矣史
記馬乘四載泥行乘僂解者曰僂形如箕擲行泥上豈秧
馬之類乎作秧馬歌一首附於禾譜之末云

春雲濛濛雨淒淒春秧欲老翠剡齊嗟我婦子行水泥朝分
一籠暮千畦腰如篳篥首啄雞筋煩骨殆聲酸嘶我有桐馬
手自提頭尻軒昂腹脅低背如覆瓦去角圭以我兩足爲四
蹄聳踊滑汰如鳧鷖纖纖束橐亦可齎何用繁纓與月題却
從畦東走畦西山城欲閉聞鼓聲忽作的盧躍檀溪歸來挂
壁從高栖了無芻秣饑不啼少壯騎汝逮老鰥何曾蹶軼防
顛隤錦韉公子朝金閨笑我一生跼牛犁不知自有木駸駸

雪中洞山黃蘗二禪師相訪

蘇轍

江南氣暖冬味回北風吹雪真快哉雪中訪我二大士試問
此雪從何來君不見六月赤日起冰雹又不見臘月幽谷寒
花開紛然變化一彈指不妨明鏡無纖埃

次韻子瞻特來高安相別先寄遲適遠却寄邁迨過遜

老兄騎驛日百里據鞍作詩若翻水忽吟春草思惠連因之
亦夢添丁子羣兒盡長堪一笑老馬臥餐何日起聞兄盡室
皆舊人見面未曾惟遜耳遲年最長二十六已能幹父窮愁
裏豫兒揚眉稍剛勁黨子溫純無愠喜我兄憔悴我亦窮門
戶久長真待爾但令戢戢見頭角顛倒囊空定何恥家藏萬
卷須盡讀此外一簪無所恃船中未用廢詩書閉窗莫看江
山美

次韻王適大水

高安昔到歲方閏大水初去城如墟危譙墮地瓦破裂長橋
斷纜船逃連漂浮隙穴亂羣蟻奔走沙礫摧嘉蔬里閭破散
兵火後飲食弊陋魚鰕餘投荒豈復有便地遇災祇復傷羸
人言西有蛟蜃穴閏年每與風雷俱漫溝溢壑恣游蕩傾
崖拔木曾須臾雞豚浪走不復保老稚裸泣空長吁滯留再
與茲水會淪胥未哂斯民愚人生所遇偶然耳得失何用分
錙銖

江州周寺丞詠夷亭

行過廬山不得上湓江城邊一惆悵羨君山下有夷亭千巖
萬壑長相向山中李生好讀書出山作郡山前居手開平湖
浸山脚未肯即與廬山疎道州一去應嫌遠千里思山夢中
見青山長見恐君嫌要須罷郡歸來看

次韻子瞻留別三首

公來十日坐東軒手自披雲出朝日山川滿目竟何有波浪
翻天同一濕諸門迭出驚異狀間道懷歸終舊壁此行千里

隔江河何人更問維摩疾

野人性似修行僧長願幽居近林麓南遷無計脫簪組西歸誰爲栽松竹頭上白雲即飛蓋耳畔清泉當鳴玉洛川猶是冠蓋林更願高飛逐黃鵠

東西南北無住身羯末封胡四男子彫鏤不遣治章句爛熳先令飽文字疎慵嗟我屬之人生子夜中唯恐似傳家粗足不願餘同駕柴車還我里

徐孺亭

徐君鬱鬱澗底松陳君落落堂上棟澗深松茂不遭伐堂毀棟折傷其躬二人出處勢不合譬如日月行西東朝爲賓主兩相好一榻挂壁吹清風人生偶合何必同一朝利盡更相攻先號後笑不須怪外物未可疑心習比干諫死微子去自

卷一百一十五

卷一百一十五

卷一百一十五

主

古不辨汙與隆我來故國空歎息城東舊宅生茅蓬平湖十頃照清廟獨畫徐子遺陳公二人皆合配杜稷胡不相對祠堂中

送葆光寒師遊廬山

建成市中有狂人縱酒罵市無與親敲門訪我何逡巡頭蓬面垢氣甚真截河引水登崑崙下洗尺宅骨髓勾告我入室要自門仙翁道師豈遺君歸來插足九陌塵獨遊凝祥芳草春蕭然孤鶴鳴雞羣子欲不死存谷神海山微明朝日瞰丹成寄子勿妄云出入無朕窮無垠相思一笑君乃信

雙井茶送子瞻

黃庭堅

人間風日不到處天上玉堂森寶書想見東坡舊居士揮毫百斛瀉明珠我家江南摘雲腴落磴霏霏雪不如爲公喚起

黃州夢獨載扁舟向五湖

以雙井茶送孔常父

校經同省並門居無日不聞公讀書故持茗碗澆舌本要聽六經如貫珠心知韻勝舌知腴何似寶雲與真如湯餅作魔應午寢慰公渴夢吞江湖

戲呈孔毅父

管城子無食肉相孔方兄有絕交書文章功用不經世何異絲窠綴露珠校書著作頻詔除猶能上車問何如忽憶僧林同野飯夢隨秋雁到東湖

送密老住五峯

我穿高安過萍鄉七十二渡遶羊腸水邊林下逢衲子南北東西古道場五峯秀出雲雨上中有寶坊如側掌去與青山

卷一百一十五

卷一百一十五

卷一百一十五

主

作主人不負法昌老禪將栽松種竹是家風莫嫌斗絕無來往但得螺師吞大象從來美酒無深巷

寄題安福李令愛竹堂

淵明喜種菊子猷喜種竹託物雖自殊心期俱不俗千載得李侯異世同風流爲官恐是陶彭澤愛竹偏如王子猷寒窗對酒聽雨雪夏烹茶臥風月小僧知今不凡材自埽竹根培老節富貴於我如浮雲安可一日無此君人言愛竹有何好此中難爲俗人道我於此物更不疎一官窘束何由到

慈雲寺

城南寶坊金碧重道人修惠翦蒿蓬一餅一鉢二十載瓊樓碧瓦上秋空稻田摩袖擁黃髮更築高閣諸天中三后在天遺聖墨百神受職扶琳宮文思帝澤餘滋潤雨露下國當年

豐貢川章川結襟帶梅嶺桂嶺來朝宗參旗斗柄掠欄楯清
坐耳聞河漢風道人飽參口挂壁頗喜賦詩如已公家風秀
句刻琬琰邀我落筆何能工安得雄文壓勝境九原喚起杜
陵翁

送李大夫管勾太平宮居袁州

孔武仲

康定慶曆披羣英公爲布衣歌太平熙寧元豐王道興公作
太守逢休明四十年間走四海崛然不肯干公卿義我正義
天柱壯皎皎素節冰空清習中慨慷外簡易年高未見白髮
生罷節已陵歸意銳奈何去就不敢輕馳歸天寵乞閒散諸
郎惜祿猶屢爭毅然不與兒女計飛章丹宸論赤城明朝果
得琳宮去佳廬山色遙相迎玉溪氣象自瀟灑新磨古鏡當
齊橫修篁萬竿飽霜雪枯棋一局酒滿觥時邀賓朋敘野史
閒擁雪鶴登巖扃安排丹鼎夜不寐邂逅黃金燒可成未應
謝傳入滄海行見盧敖朝玉京

尋真觀

武皇車馬東南出訪道求仙希萬一屏風九疊雲物清意恐
神仙藏此室羽章之館締構新壇場夜夜祈星辰蓬萊縹緲
不可到橋山一闢逾千春詠真之天在旁側白晝潭心飛霹
靂田收歲美龍亦閒惟有濟淪照空碧誰道尋真是女郎朝
餐松桂夜焚香明眸綠鬢今何在意已霞衣侍玉皇

龜石

平川洶洶經南國匹練橫拖半天碧洪瀾巨浪之中央忽見
頽嵬太古石此石由來幾許時混元一氣初開闢神功割破
混沌胎劃落半空隨霹靂非龜非鼃不可辨有若神龜見蹤

跡精光不待媯皇鍊渾朴寧從巨靈擘我知神物本天性推
移運轉非人力當時大禹走天下驅至九江爲納錫萬牛轡
車載不動鐵軸崢嶸自堆積秦皇鞭山移四海怒視不能移
咫尺至今獨立猶驚人地志山經不能測千靈萬狀誰復知
一片堅頑粗可滌昂頭突出翠濤中跼足橫蟠九泉脈勁敲
縱橫竇穴穿當心一搭莓苔黑淵潛不見曳尾狀日爍猶驚
負圖色青驕剝落向何處秋草綏綏晨露滴動健曾支玉女
牀爛斑似點乖龍額漁翁未網先自駭靈著欲伏安可得龜
鼈縮首不敢迎蝦蟇巡行夜戰惕歲冬大寒百蟲伏園勁之
勢無敵側風磨霜鍊無日休髮鬢皺痕成兆圻負才不免剝
腸累至珍惟藉天公惜灼以炎皇之火精靈以少昊之金液
神鑽鬼卜不見形陰陽造化無遺策大哉龜者物之精歲久

龜化爲真形

時月黑無人夜繞岸光芒倏自生下駭深潭

蛟蜃窟上應中天元武星萬衆森森下相向來決吉凶真僞

情姦狐妖鼠已破膽山魃野魅見亦驚波神吞氣不敢喘四
面長漪鋪席平吾聞溪老記往歲半夜風雨來冥冥剽然曳
轉大潭左百里震驚如雷霆背憎摧折雖萬狀崔嵬孤高終
自靈吁哉天地至奇物何爲流落於江城銅馬猶聞標漢殿
神羊昔亦馴堯庭便當推置玉堂上古貌岌岌無敵傾姦臣
猾豎作狐媚見之頽面先吞聲凶荒水旱必可卜倉卒變怪
皆先明匈奴喪魄萬里外慙縮不敢窺天兵龜乎龜乎用不
用壯士與爾同死生

寄信州交代錢德循并序

得德循書知已植余所寄瑞香花二本於爽氣軒饒陽有

木犀者亦天下之名花也試為我致二株足以相當因以詩寄德循

處君以西軒之爽氣贈君以仙府之名花名花芬敷隨曉日爽氣蕭颯凌朝霞山川從此增秀色塵埃不復留君家羨君年少氣力銳況有長才可經世馳聲京邑蓋有年作幕山州不得意漫尋幽景養天真精明不學陶潛醉錢夫子我今去指湘江邊洞庭波瀾闊如海與君似隔東南天饒州亦有木犀種真骨來從武夷洞自有清香百步聞煩君為買雙株送勿云千里移致難從古物輕人意重但將木李對瓊瑤餘物區區且安用

馬當夾阻風

孔平仲

萬田荻野無人煙我來日暮雙繫船半夜星斗垂闌干銀河

卷一百一十三 藝文

章

倒景搖青川人言神物當會合鐵纜纏繞安如山五更洶洶有聲至車騎蹴踏乾坤翻怒雷殷殷雨隨下黑風三日不見天此中道路多險惡正在馬當小孤之兩間三江五湖所鍾聚直下無底旁無邊掀騰擺觸作意氣更無拘束隨所便巨磯突若虎頭出黃沙莽作車輪旋端居不動尚股栗誰敢身試蛟龍淵自吾汎洛涉淮泗間關淫滯今半年廬山蒼翠已在目母用急進千憂患不如宿留會澄霽淹遲有數非偶然篤中酒熟聊一醉春夢酣酣牽晝眠

朱君以建昌霜橘見寄報以蛤蜊

贈我以海昏清霜之橘報君以淮南紫脣之蛤橘膚軟美中更甜蛤體堅頑口長合開花結子幸來摘汲水藏泥豈靳得二物同時有不同賦形與性由天公請君下筇聊一飽莫索

珠璣向此中

宣甫寄示廬山高藥名詩亦作一首奉酬不犯唱首兼用本字更不假借

噫戲廬山何高哉山連大江勢橫絕虎卷龍拏起霜雪五湖七澤瀉波來百穿千孔吞吐成雲雷其上自有瀑布水白如一匹練半天河漢傾崔嵬蒼蒼石壁插空翠漠漠雲華自開閑水甘松香澗谷深黃精枸杞生成林地無虎狼毒草木但聞仙童玉女語笑之清音君不見當時直續繼世故結廬葺草無尋處又不見淵明無心五斗米石牀醉臥呼不起真君種杏人或生遠公白蓮開玉英松肪柏實皆可飽何必皓露樓金莖我欲攀崖採紫芝道中逢仙一問之接余之手升虹霓崑崙文室相追隨元臺絳闕恣遠遊旁通三島逮十洲柯

卷一百一十三 藝文

章

題未肯休千秋萬歲一瞋目下視塵世如蝸牛

題贛州嘉濟廟祈雨感應

江東禱雨真靈跡香火未收檐溜滴城中到此夜五更渡口歸時水三尺高田流滿入低田萬耦齊耕破曉煙但願吾民得飽飯年年歲歲是豐年

元豐三年十一月施君發之縣丞艤舟潯陽出所收書

標示好之篤蓄之多裝潢之妙可尚也詩以記其事

藏蓄尚未已裝褫卷襲皆精緻從前所見無此比城荒俗陋誰與游如君好事固可喜天寒手冷不厭觀似我賞音知有幾自今有得當助君不憚緘封寄千里

用常甫元韻寄彭澤曾移忠

清秋古邑氣象開健令曳組從南來淵明已往狄公死繼有賢者荒山隈九江安流息駭浪百里和氣迎新雷積年通事一朝決落筆翩翩何快哉幽潛曲折皆照見正似寶鑑懸高臺古稱豈弟民父母君視百姓猶嬰孩近來俗吏徂文法往往習尚以利回惟君用心知自性造次所發皆矜哀政成訟簡當暇日間或吟詩持酒杯言詞泠泠韻不俗識子眉宇無纖埃長篇示我已踰月詩債甚欠煩君催我如荒田廢畊墾嘉穀不植歲且災為君鉏頑梗枯槁滿把所收惟草萊金山萬丈絕梯級手聚沙礫空成堆龍鱗難攀徒自苦狗尾強續良可咍想君風采方引領忽見沂浪傳高梳迎門倒屣喜如沃相與一笑傾新醕曹亭孤峙眺回遠杖策共尋幽磴苔諸臺積雪倚天白此處訓唱須清才老雞爪背未易犯斂翅避

本一十二十三藝文

去

手甘低徊

琵琶亭

陳造

抱愁莫遣朱絃鳴此聲更與愁人聽江邊一聞琵琶語月慘風悽如動情何況思婦傷幽獨少年多藝顏如玉江州司馬廊廟人暮上諫書朝放逐輕攏細撚忍淚彈開尊側耳思惘然一詩說盡兩心事遺音翻入歌舞筵此翁詩名自千古誦詩亦嘆琵琶女誰惜亭前泊舟客頗為飄零動懷楚鄰家故妓春風手此曲每侑澆愁酒今宵月影祇三人倚闌長嘯空搔首

南城鄧氏亭

洪炎

小麥青青山一曲江南千里傷春目盱母江頭喚渡人遙指麻源第三谷裹鹽包飯各匆匆回首煙霞樓觀中詩成更覓

羊何和猶是前身內史公

韻馳寄

彭汝礪

去年行建昌作詩招雲居雲禪師近過南康不見用前韻金間壁雲中居臥龍更有文公廬門前不設羊牛車誰將虎鬚跋狼胡寶林環繞千珊瑚中間一點摩尼珠遊戲樂悅心如之諸方傳錄為奇書愛師談實非空虛生決定信無疑孤表裏洞徹如冰壺輕重已自分錙銖咫尺祇恨相逢疎各自有口能無吁禪師和予詩云有口喫飯誰能吁

答趙溫甫見謝茶馭韻

我昔曾涉昌江濱故人指我觀陶釣龐翁老匠矜捷手為我百轉雕輿輪鑄頑刻畫走風雨須臾萬態增鮮新盤龍飛鳳日月細花密葉生瑤珉輕浮兒女愛奇屈舟浮輦運傾金

本一十二十三藝文

去

我五不野亦不文渾然美樸含天真光沈未入世人愛德潔誠為天下珍竭來東江欲學古喜聽英傑叅吾倫謹持清白與君共敢因泥土邀仁恩空言見復非所欲再拜謝子之殷勤

金精山留題

張商英

秦亡項滅漢罷兵分王宗室皆連城西方女子不用事張氏有婦懷金精吳山之下吳水曲石鼓峰巒翠相矗山幽水遠閨閣嚴二八芳年貌如玉吳王聞知心欲狂珠璣繒纈羅千箱苦憑青翼致消息陳說富貴誇膏粱玉人冷笑吾當許弟能為吾開洞府洞成賦詩悲下土悲哉下土人皆苦飄飄仙袂凌上蒼天街昇畢騰輝光使回千里澀進步目極五雲空斷腸吳王悒悒忽不樂入顧後宮情索寞仙凡會合竟何年

多謝君王鑿洞天

望仙曲

麻姑王蔡迹已往望仙亭在孤峯上朝見五雲飛暮見五雲歸雲飛雲歸自今古仙來仙去誰可知勿望仙望仙目眩徒茫然白石可煮誰能言不愛插翼冲青天玉池且酌太和酒一醉壽同天地久陶陶與物任浮沈肯顧霞衣雲組綬

石廊洞

劉 弁

君不見仙家三十六洞天西南大半盤蒼巔此外元陽擅嶄絕况有石廊人喜傳碧蓮參差隅地湧徙倚危梯飛蟠螭陰陰洞户半空開一縷聯凹愁寄種萬鈞崔嵬挂礪石吁可怪兮若飛動天然湫面尋丈間寒掬初慳媪神捧紫崖蒙茸瑤草秀懸泉涓涓挹天酒淑靈豈即乾坤私窟宅宛是神仙舊

卷一 書 卷 三 十 三 藝 文

七

寒燠爭喧厖神物奄有似無迹突兀古廟當巖隈鼙鼙笑舞助怪變落日愁絕松風哀瞰臨一方殆天意累露之疑此其是仙乎仙乎胡不歸忍使秋憐泣陰鬼

了頭巖

弋陽之東當古道有石突兀號了頭苔侵蘚剝風雨蝕骨幹聳削如鑊鏤不知何窻上訐帝叫閭之勢難稽留草木焦禿僅比髮獨瞰平臯疑秀發淺深丹頰輝晴霞髣髴瓊梳掠初月行人躊躇眸子眩癡女乖羊亦何別惜哉偽態苦冒真土俗傳誇疑有神陰崖黝黑崩脅腹石眼六七流嵌根君不見望夫嶺嶺亦頑石似不徒然肖真魄顙顙廟食爾何補登進雞豚始乘隙安得擲置八荒外化作膏腴豐稼穡

車盤嶺

去年踏雪車盤去今年執熱車盤來去來險澀自其分車盤於我何有哉道傍飛礫如積糝幽蔓緣崖不盈攬懸知到此客脛酸愁絕雲舒與煙慘半山棲隱聲華藏旋覺陰機萬鈞壯鐘梵時聞一兩聲妙界還疑落天上短褐頭陀揖我言此途詰曲知何年名情利態過萬計未聞厭者仍紛然造物驅人不留瞬車盤有盡人無盡勸君莫歌行路難令人未老華雙鬢

舟次生米值風作

東北有雲如潑墨舟子熟視無人色忽然白氣變飛翻拗怒波神起乘隙初從下遊架玉壘須臾一望熬酥白琳宮蒼茫失向背野鳥高飛避羽翼紛紛翻舞殊未酣萬馬躍入朝周

卷一 書 卷 三 十 三 藝 文

七

驟倏睽野軒推選鋒勢欲盡取奔鯨礫崩騰豈肯陵谷改嶺似病津涯窄大舟踉蹌愁失踞小舟呼天手加額間於盤渦折腥沫疑課鮫魚助奔擲灑川病客簸欲僵賴是絙縻逃不測等閒覩縷戒衣襦倉平何功補淪溺晚來風息回安瀾猶自漫空認飛礫咄嗟鴻毛寄微命一朝濱死真兒劇明知屏翳不吾欺何堪失便垂涎得

宿法藏禪院一首

斜河左界懸朱提冷燼掠天螢慘飛高梧泣液涼參差前村後村烏夜啼雕甍繡拱絕坤維知自在世張禪扉有耽釋子龐兩眉清梵一聲捎翠微亂我心曲天之涯寂歷故感迎新悲歸與誰是真忘機獨澆水深愁濁泥白汙泣珠霍如洗枯棹聲噤松風死班如匹馬客戾止化人之宮轟天起錯莫形

骸寬一寄天涯特地悲身世齟齬由來真博齒白頭區區妄
男子跋狼之胡囊狼尾世路傷哉澀如砥

小孤山

張耒

一峯枝水孤劔立古廟開簾雙臉紅水邊古木老龍蟄山下
水色磨青銅我來扁舟望有禱萬頃春水清溶溶明神報我
意加厚嗟我薦獻愧不豐重遊知復在何日俯仰天地身飄
蓬

宣和壬寅仲冬二十六日留別臨川陳泰穎

鄭剛中

江南浙東千里遙雁聚沙汀無定跡偶然握手如平生祇恐
前身已相識不然安得一羈旅披露煩君出金石我今漂泊
西去草草分袂實堪惜孤舟漾水如輕葉何處煙村倚灘
磯明朝橫枕清浪頭夢破霜風正相憶

武寧大竹取爲酒罇短頸寬大腹可容二升而漆其外

戲爲短歌

韓駒

此君少日青而癯邇來黑肥如瓠壺縮肩短帽壓兩耳無乃
戲學騶休儒人言腹大中何有不獨容君更容酒未須常要
託後車滑稽且作先生友少陵乾樽安在哉次山石臼空飛
埃茅檐對客夜驚笑麴生扣門何自來老而人閒不稱意但
覺淵明酒多味乞取田家老瓦盆伴我年年竹根醉

羊腸灘

小灘嘈嘈大灘惡朝行羊腸暮鹿角盡日拖舟不得前忽然
筴斷千尋落上梁左側石子多兩舷與石鳴相摩臥聽舟師
倚篙哭將如二十四灘何